

171
27. des. Síðasta virkan dag fyrir aðfangadag jóla er heimilt að hafa stofurnar opnar til kl. 9 síðdegis og einn dag á undan þeim degi, þrem virkum dögum áður, til kl. 9 síðdegis, en miðvikudaginn fyrir skírdag til kl. 8 síðdegis.

Á tímabilinu 15. maí til 14. september skal á laugardögum, nema laugardaginn fyrir hvítasunnu, — þá skal loka kl. 4 e. h. —, loka stofunum kl. 12 á hádegi, en þá jafnframt heimilt að hafa stofurnar opnar til kl. 7 síðdegis á föstudögum frá 14. maí til 13. september. En á tímabilinu 15. september til 14. maí skal loka stofunum á laugardögum kl. 4 e. h.

3. gr.

Almenna helgidaga, sumardaginn fyrsta, 17. júní og fyrsta mánudag í ágúst-mánuði mega engar rakarastofur vera opnar.

Dagana 1. maí og 1. desember skal loka stofunum kl. 12 á hádegi, ef þá daga ber upp á virka daga.

4. gr.

Þá, er komnir eru inn á rakarastofurnar fyrir lokunartíma, er heimilt að afgreiða eftir að lokað er.

5. gr.

Lögreglustjóra er heimilt að veita undanþágu frá ákvæðum þessarar samþykktar, þegar sérstaklega stendur á.

6. gr.

Brot gegn samþykkt þessari varða sektum 20—500 krónum, og renna sektirnar í bæjarsjóð.

Mál út af brotum á samþykktinni skal reka sem almenn lögglumál.

7. gr.

Með samþykkt þessari er úr gildi felld samþykkt um lokunartíma rakarastofa í Reykjavík, nr. 58 5. júní 1937, svo og samþykktir um breytingar á henni, nr. 92 9. júní 1941 og nr. 98 29. júní 1942.

Samþykkt þessi, sem gerð er af bæjarstjórn Reykjavíkur, samkvæmt lögum nr. 17 1. febrúar 1936, staðfestist hér með til þess að öðlast gildi þegar í stað og birtist til eftirbreytni öllum þeim, sem hlut eiga að máli.

Félagsmálaráðuneytið, 27. desember 1946.

F. h. r.

Jónas Guðmundsson.

Gisli Jónasson.

172

30. des.

AUGLÝSING

um notkun heimildar laga frá 28. desember 1946, um að innheimta ýmis gjöld með viðauka.

Ríkisstjórnin hefur ákveðið að nota heimild laga frá 28. desember 1946 og innheimta á árinu 1947 með 100% viðauka vitagjald, þær aukatekjur ríkissjóðs, sem taldar eru í I.—VI. kafla laga nr. 27 27. júní 1921, stimpilgjald samkvæmt lögum nr. 75 27. júní 1921 og síðari lögum, sem hafa ákvæði um stimpilgjald, leyfisbréfa-gjöld og lestagjald. Þó skulu uppboðslaun samkv. V. kafla laga nr. 27 27. júní 1921 innheimt með einungis 40% viðauka.

Enn fremur hefur ríkisstjórnin ákveðið að nota heimild fyrrgreindra laga frá 28. desember 1946 og innheimta með 50% viðauka gjöld samkvæmt lögum nr. 60